

BOSNA I HERCEGOVINA
AGENCIJA ZA JAVNE NABAVKE BOSNE I HERCEGOVINE

**VODIČ ZA PODNOSIOCE ZAHTJEVA ZA PRISTUP
INFORMACIJAMA**

Agencija za javne nabavke Bosne i Hercegovine
Adresa: Maršala Tita 9a/1, 71000 Sarajevo

Sarajevo, 09.03.2022. godine

Na osnovu člana 20. stav (1) tačka a) Zakona o slobodi pristupa informacijama u Bosni i Hercegovini ("Službeni glasnik Bosne i Hercegovine", broj 28/00, 45/06, 102/09, 62/11 i 100/13), direktor Agencije za javne nabavke Bosne i Hercegovine, donosi

VODIČ

ZA PODNOSIOCE ZAHTJEVA ZA PRISTUP INFORMACIJAMA

UVOD

Vodič za podnosiocima zahtjeva za slobodan pristup informacijama (u daljem tekstu: Vodič) treba da pomogne podnosiocima zahtjeva kako bi ostvarili svoja prava u skladu sa Zakonom o slobodi pristupa informacijama u Bosni i Hercegovini ("Službeni glasnik BiH", broj 28/00, 45/06, 102/09, 62/11 i 100/13), (u daljem tekstu: Zakon).

Svrha Vodiča je da sve zainteresovane uputi kako mogu što jednostavnije doći do informacija koje posjeduje Agencija za javne nabavke Bosne i Hercegovine (u daljem tekstu: Agencija).

Vodič će Vam pružiti odgovore na sljedeća pitanja:

- 1) koje informacije možete tražiti;
- 2) kako možete dobiti traženu informaciju;
- 3) kako trebate napisati zahtjev za pristup informaciji;
- 4) u kojem roku smo obavezni da Vam damo odgovor na zahtjev;
- 5) na koji način možete dobiti odgovor;
- 6) ako niste zadovoljni koja su Vaša prava.

Za sva dodatna pitanja na raspolaganju je službenik za informisanje Anita Knezović.

KOJE INFORMACIE MOŽETE TRAŽITI

Možete tražiti svaku informaciju koju posjeduje Agencija, osim one koja, prema Zakonu, može biti izuzeta od objavljivanja. Odgovor može u cjelosti ili djelomično biti uskraćen, ukoliko se Vaše pitanje odnosi na:

- 1) Funkcionisanje institucija BiH (otkrivanjem informacija osnovano bi se moglo očekivati izazivanje značajne štete u oblasti: vanjske politike, odbrane i sigurnosti, monetarne politike, sprečavanja kriminala, zaštite procesa donošenja odluke od strane javnog organa u davanju mišljenja, savjeta ili preporuka, a ne obuhvata činjenične, statističke, naučne ili tehničke informacije);

2) Povjerljive komercijalne informacije, kada je Agencija dužna da hitno treću stranu obavijesti o pojedinostima zahtjeva. Ukoliko treća strana u roku od 15 dana ne izvijesti Agenciju da je tražena informacija povjerljiva, informacija će se objaviti;

3) Privatnost - Agencija će odbiti davanje informacije ako utvrdi da tražena informacija uključuje lične interese koji se odnose na privatnost trećeg lica.

Informacije koje možete tražiti od Agencije navedene su u INDEKS REGISTRU AGENCIJE ZA JAVNE NABAVKE, koji možete preuzeti sa službene internet stranice Agencije www.javnenabavke.gov.ba ili isti dobiti od našeg službenika za informisanje, Filijala Mostar, na adresi Kneza Domagoja bb, 88 000 Mostar.

KAKO MOŽETE DOBITI TRAŽENU INFORMACIJU

Da biste dobili informaciju koju tražite neophodno je uputiti pismeni zahtjev na jednom od jezika koji su u službenoj upotrebi u BiH, i to: lično, putem redovne pošte ili faxom.

ZAHTJEV treba sadržavati:

- 1) Naziv institucije;
- 2) Dovoljno podataka o prirodi i/ili sadržaju informacija, kako bi se omogućilo da javni organ provede redovne aktivnosti u cilju pronalaženja zahtijevanih informacija;
- 3) Ime, prezime, adresa i kontakt telefon osobe koja podnosi zahtjev za pristup informacijama.

KAKO TREBATE NAPISATI ZAHTJEV ZA PRISTUP INFORMACIJI

Sastavni dio ovog vodiča je obrazac za podnošenje zahtjeva za pristup informacijama koji je dat kao prilog 1.

ROK ZA DOSTAVLJANJE ODGOVORA NA ZAHTJEV

Agencija po primljenom zahtjevu prvo utvrđuje da li je Vaš zahtjev kompletan i jasan.

Ukoliko ustanovi da zahtjev nije kompletan, u roku od osam dana ćemo Vas obavijestiti da isti dopunite, pod uslovom da ste naveli adresu.

U slučaju da ste tražili pristup informaciji za koju Agencija nije nadležna, Vaš zahtjev ćemo proslijediti nadležnoj instituciji najkasnije osam dana od njegovog primitka, o čemu ćemo Vas pismeno obavijestiti.

Ukoliko ste tražili pristup informaciji koja, prema Zakonu može biti izuzeta od objavljivanja, cijenit će se je li njeno objavljivanje (u cijelosti ili djelimično), u javnom interesu, o čemu ćemo Vas obavijestiti u roku od 15 dana od dana podnošenja zahtjeva. Ovaj rok može biti i duži u

Zakonom predviđenim slučajevima kada je prethodno potrebno dobiti izjašnjenje treće strane o saglasnosti za objavljivanje informacije ili se treća strana obavještava da će se informacija koja je Zakonom predviđena kao izuzetak, zbog postojanja javnog interesa objaviti.

NA KOJI NAČIN MOŽETE DOBITI ODGOVOR

Nakon što Agencija odobri pristup informaciji koju ste tražili, dopisom ćemo Vas obavijestiti da traženu informaciju možete dobiti u prostorijama Agencije ili da Vam istu, ukoliko nema više od 20 stranica možemo umnožiti i dostaviti poštom. Ukoliko informacija ima više od 20 stranica dužni ste platiti naknadu za umnožavanje o čemu ćemo Vas prethodno obavijestiti.

U slučaju da Agencija odbije (u cijelosti ili djelomično) Vaš zahtjev za pristup informacijama, obavijestit ćemo Vas pismeno o tome u roku od 15 dana.

Izuzetno, u cilju olakšavanja pristupa informacijama zainteresovanim licima, ukoliko se radi o tipskim informacijama (kao što su npr. broj državnih službenika i zaposlenika koji rade u Agenciji), ukoliko podnosilac zahtjeva svoj zahtjev podnese usmeno (lično ili putem telefona), službenik za informisanje će mu odgovor na traženu informaciju dati odmah, takođe usmenim putem.

AKO NISTE ZADOVOLJNI KOJA SU VAŠA PRAVA

Agencija je dužna da u dopisu, kojim Vas kao podnosioca zahtjeva obavještava da se odbija pristup traženoj informaciji u cijelosti ili djelomično, navede i sljedeće:

- 1) zakonski osnov za status izuzeća informacije, uzimajući u obzir i faktor javnog interesa;
- 2) pouku o pravu na žalbu nadležnom organu, a što uključuje neophodne podatke za kontaktiranje tog organa (adresa i telefon);
- 3) uputu da imate pravo da se obratite ombudsmanu sa kontakt podacima.

Broj: 02-12-620-1/22


DIREKTOR
Dr. sci. Tarik Rahić, dipl. pravnik

Ime i prezime podnosioca zahtjeva
Adresa, telefon i e-mail podnosioca zahtjeva

AGENCIJA ZA JAVNE NABAVKE BOSNE I HERCEGOVINE
Maršala Tita 9a/1
71 000 Sarajevo
Fax: 033 251 595
N/r službenika za informisanje

PREDMET: Zahtjev za pristup informacijama.-

U skladu sa Zakonom o slobodi pristupa informacijama u Bosni i Hercegovini ("Službeni glasnik Bosne i Hercegovine", broj 28/00, 45/06, 102/09, 62/11 i 100/13), tražim pristup sljedećim informacijama:

(Navesti tačno koje informacije tražite i opisati ih što je moguće preciznije, tj.zahtjev treba sadržavati dovoljno podataka o prirodi i/ili sadržaju informacija, kako bi se omogućilo da Agencija provede redovne aktivnosti u cilju pronalaženja zahtijevanih informacija)

Način na koji želim pristupiti informaciji (zaokružite):

- 1) neposredan uvid,
- 2) umnožavanje informacije,
- 3) slanje informacije na kućnu adresu,
- 4) slanje informacije elektronskom poštom.

Molim vas da mi traženu informaciju dostavite u ___ kopiji/a, ukoliko troškovi umnožavanja ne prelaze više od ___ KM, koliko sam spreman platiti.

Ukoliko kopiranje tražene informacije iziskuje veće troškove, molim da me o tome izvijestite prije nego što moj zahtjev uzmete u razmatranje.

U _____ dana _____ 20____. godine

Potpis podnosioca zahtjeva

Prilog:

